

續安陽縣志

卷十一至卷十六

續安陽縣志篇目

卷一

大事記

自商王河亶甲起

卷二

職官表

清知縣 民國知事 縣長 縣丞 教諭 訓導 典史 知府附

選舉表

進士舉貢大學專門國會議員省議員縣議員考取職官區長會長皆附焉

卷三

地理志

沿革 疆域 山川 水利 土壤(附土宜) 物產 氣候

卷四

民政志

土地(附統計表) 戶口 行政區域 自治(附保甲) 警務 衛生 倉儲 救卹

卷五

財政志

田賦(附等數表) 漕糧 賦稅 雜稅 鹽課 歲計(附改良田賦徵收法原委及管理財政各機關沿革)

卷六

交通志

陸路 航運 鐵路 汽車路 橋梁 郵遞 電報 電話

卷七

實業志

農 工 商 鑛

卷八

教育志

編學 書院 義學 學校 社會教育 典祀

卷九

兵防志

城防 鄉團

卷十

社會志

民生 禮俗 聲樂 歌謠 方言(附俗語格言) 報館

卷十一

宗教志

佛教 道教 回教 基督教 天主教

卷十二

建置志

城池 官廨 監獄 機關 倉庫 校室 公園 會場 祠廟

卷十三

古蹟志 地理 宮室 陵墓

卷十四

藝文志

卷十五

循政志

卷十六

人物志 鄉宦 耆舊 孝友 忠義 任卹 文學 方術 列女 流寓

卷末

雜記

附刊

續金石錄

甲骨文

續安陽縣志卷十一

宗教志

序曰、宗教之興、其於衰亂之世乎、原其學說、其皆有救世之義乎、自野心者流、假神怪以眩惑、羈偵謀於宣傳、遂爲識者所詬病、近世科學昌明、迷信漸破、乃有以藝術之人生觀代宗教之說者、然爭奪相循、私慾橫流、幾至不可收拾、梁任公曰、哲學長於窮理、宗教長於作事、宗教固不可厚非也、我國自昔、政教合一、孔孟時中之道、深入人心、初無宗教之可言、迨後、釋道回耶之說、乘時興起、安陽一隅、自由信奉者、亦繁有徒、雖各道其所道、要其原委變遷、不可不考也、作宗教志、厥目凡五、一佛教、二道教、三回教、四基督教、五天主教、

佛教

佛教創自印度釋加牟尼、漢明帝時、流入中國、其傳至安陽、據志乘可考者、縣西麻水村龍巖寺、創於晉太和三年、天寧寺、在縣治西北、創於周廣順二年、是爲在安建刹之始、僧惠明、通玄理、道豐精技術、是爲在安高僧之始、明洪武初、置僧綱司於天寧寺、總轄城鄉寺僧、清代、復遷入圓通寺、是爲在安佛教有組織有統系之始、其餘城鄉各大

寺院如大士閣、福會寺、大生寺、寶蓮寺、德明菴、鄆鄧寺、五臺寺等。在昔僧眾繁多，不無究心宗相，堪傳衣鉢者。厥後粥飯僧徒，不解哲理，對於大乘妙論，茫然莫知。尋常所見，亦僅喃喃唸咒，供超拔亡魂之役。其莽者，並此而不能。世以是益輕之。民國改元，在安僧眾設立佛教分會於天寧寺。至十七年，政府明令廢廟興學，寺院改設學校，廟產作爲教育經費。僧眾星散，佛教之勢，寢乎微矣。

道教

道教雖宗老子，實則創於後漢張道陵。道陵創五斗米道法，令學道者習老子五千文，漸有宗教之傾向。迨元魏寇謙之，自言遇太上老君，傳授丹法，賜以天師之位。魏世祖信之，爲建天師道場。於是道教乃完具宗教之形式。而老君亦爲道教之祖矣。李唐與老子同姓，尊爲太上玄元皇帝。道教之隆盛，至此遂臻其極。因上有好者，下必甚焉。安陽之有宮觀，或自魏唐之際始。迄元大德三年，縣西關上清正一宮，始有聖旨碑可考。道士文德圭、劉道真等，並受勅號。明洪武初，置道紀司於縣治東南四聖宮，嗣移於太虛觀。清復遷於南關大王廟。而教已不振矣。民國初，道士張紹房組織道教會，但徒眾不多，廟產亦替。至十七年省令，就廟產興學，遂益形零落。至今全縣道士不過數十人。

是等道士亦分兩派，有獨身授徒，世傳其業，蓄髮道冠，圓領大衣者，名曰清道，有授室生子與世俗同，惟作道場，始易衣冠者，名曰濁道，要多不明經旨，專事符籙，或仿僧眾，爲人超薦亡魂，藉謀生活而已。

回教

回教創始於阿剌伯人，穆罕默德謂於四十歲時，眠希拉山上，忽有天使降其面前，授書一卷，即可蘭經之初章也，後乃左手執經，右手執劍，以宣傳教義，勢力漸盛，是教於李唐時，盛入中國，至安陽之有回教，則由山東及獲嘉、淇縣、孟縣之桑家坡、禹縣之桑和坡遷徙而來，教民聚居西關，迄今約六世之久，當清乾隆五十二年，曾建清真寺，以爲傳教之所，後於咸豐六年，重建新清真寺，嗣經該教長張清廉就寺內設立女子學校一所，誨以回文等書。

基督教

基督教爲耶穌教之新派，於明際流入中國，當清光緒十三年時，黃河決口，災情浩大，消息傳至加拿大基督教會，乃於十四年遣多倫多大學之古約翰牧師夫婦及皇后大學之史雅格醫士夫婦來華，偕同旅華多年之牧師，至彰衛懷三府調查災况，報告

於加拿大教會實行施賑。此爲基督教來彰之始。其時古約翰史雅格諸牧師陸續到彰傳教。十六年夏租房於楚旺鎮設立醫院。旋至彰德各屬傳教。二十一年始在安陽北關鑄鐘街購地建築房舍。以爲傳教根據地。由古約翰季理裴兩牧師主其事。同時設立學校創辦醫院。教務日漸發達。每年施醫四五萬次。全縣信徒達四千餘人。記名者倍之。旋設支會三十餘處。附設小學百餘所。民國九年豫北旱災甚重。由教會報告坎拿大教會代募賑款三十萬金。除散急賑於婦女老弱顛連無告者外。又以工代賑修築磁縣武安湯陰等處之公路。約長四十五里。或五六十里。因之頗獲彰屬人士之好感。民國十六年後國人組織非宗教同盟大會。各處教會學校受其影響。大半停辦。或改組安陽耶教。所立各校亦未能免。至民國十九年後始又逐漸整理。然欲一時恢復舊觀亦非易事。惟近年以來中華教友注重自立自養。不欲依賴西人。乃有中華基督教會之組織。在彰設有河南分會。彰磁區會。每區會又分十二分區。每分區又設若干支會。率由本地教民主其事。此外又有基督復臨安息日會者。於民國元年由漯河省會派蘇殿卿牧師樊德俊教士來彰創設分會於城內天寧寺後街。嗣遷於西關。再遷於南門內。是會爲改革教中之特出者。其宗旨一根據於聖經。不宗遺傳。專依聖訓。

名曰基督復臨。蓋相信耶穌必有二次降臨之時。所謂安息日者。卽上帝六日創造天地。七日安息之意。是會於星期六日禮拜上帝。此其特殊之點也。

天主教

天主教爲耶穌教之舊派。傳教士有主教神父之別。奉羅馬教皇之使命。至各國傳教。多嚴守童貞。無婚嫁者。明末始由晉省傳至豫北。先就林縣合澗區。開始宣教。後漸及於湯陰之鶴壁鎮。直至清光緒二十七年。始有義國教士梅籃二人。來安傳教。二十九年又有義籍教士林棟臣到彰。建築教堂。宣傳教義。不遺餘力。並舉辦男女義務學校。以牖民智。奉教者日眾。該教會地址在城內東二道街南段。地基約十餘畝。民國光復後。逐漸擴充。東西二院各建樓房。高聳宏敞。頗壯觀瞻。據民國二十年統計。全縣教民約一萬五千四百餘人。亦可謂盛矣。近爲補助社會之缺點計。又於東大街創設聖心醫院。聘有義美籍專門女醫士。注重婦女小兒等科。二十二年二月一日。始行開診。上述五教之外。又有所謂三教聖道會者。相傳爲明末遺老。憂憤出世。擬合儒釋道而爲一。在西華堂會同探討。宣傳主旨。後遂分爲學善堂。明善堂。等善局。與戒煙戒酒之理門。同屬道家流派云。

續安陽縣志卷十一終

續安陽縣志卷十二

建置志

序曰、凡一民族一時代之精神思想技術文化風俗、胥可於建置觀之、清末至今、百度丕變、官廨既易稱謂、而往昔祠廟、又多改爲學校校址、及公務機關之處所、其間興廢變遷、或因仍舊貫、或大啟爾宇、人事之推移、建築之遞變、與政化關係綦重、茲擇其合於法度者紀之、瑣屑汜濫之屬、概不扳載、間有存其舊名、或註明局所學校於其後、藉以參考、今古俾留心世變者、有所省覽也、作建置志、厥目凡九、曰城池、官廨、監獄、局所、倉廩、校室、公園、會場、祠廟、

城池

縣城 創自後魏、天興元年、歷次重修、均詳前志、民國二十一年元月、縣民因周縣長攤款奇重、無法供應、請願競爭、結果圓滿、議闢西北門、以作紀念、又以繁榮便利交通、建設新安陽、名曰新安門、舊有北門、曰拱辰、南門、曰鎮遠、東門、曰永和、西門、曰大定、共五門、是年並將鎮遠門樓重修、

官廨

縣政府

係彰德府署舊址，民國元年，府制裁撤，知事范壽銘，將縣署移入其中，後奉令改名縣政府。

彰德府志，知府署，宋魏重寶，治相州，作州廨，頗極宏壯，至和中，魏公韓琦，三治相州，益作堂亭園池，雄於河北，明洪熙元年，改爲趙府，按即今高閣寺，舊志稱觀音閣，移府治於西百武，規制淺隘，廳堂連甍，正德十六年，知府陳策，因重拓焉，清乾隆三十二年，知府黃邦寧，重修計外照壁，東西轅門各一，大門三間，東土地祠，西寅賓館，儀門三間，東西二角門，東西吏舍各十間，大堂五間，顏曰莊蒞堂，宅門五間，東西庫樓，二堂五間，顏曰二如堂，三堂五間，顏曰三思堂，內堂五間，顏曰是學堂，東書房五間，西書房三間，客廳三間，四十七年，知府盧崧捐俸重修，西客廳三間，顏曰靜觀，重修西花廳，顏曰槐庭，月朗，添建西羣房十間，改建二堂，匾曰柏堂。

按在縣公署時代，大堂改稱中山俱樂部，今又改稱大禮堂，西花廳改辦公廳。

第三區行政督察專員公署

民國二十二年，河南第三區行政督察專員方策，駐節

安陽，卽以縣政府爲專員公署，

以上因舊改建

舊縣署

在城內中正街關岳廟，

今紅十字會

迤東路北，自民國元年，裁府留縣，縣署移至

府署所遺舊縣署地址，作爲地方審判廳，旋審判廳奉令撤銷，房舍經官產清理處出售，撤毀大半，惟大堂巋然獨存，西偏設有商會附屬小學，其西南隅之舊典史署，暫爲管獄員住所。以上舊置今廢

監獄

監獄 在舊縣署東南隅，房屋共三十間，面積二百二十八方丈，有奇，創建年代失考，清宣統時，仿照西式改造，擴大門窗，藉通空氣，鋪設地板，俾免潮濕，監獄稱改良焉。

看守所

在東三道街，北段路西，爲東新倉舊址，清宣統中，知縣李元禎改建，顏曰羈

押所，入門向北一院，曰候審公所，現改爲民事所，其東隔壁，曰女廩，名女所，由西南向南一院，爲羈押所，現改爲刑事所，此外有辦公室、守望樓，均甚整飭，共房七十二間，面積二百四十方丈，周圍界牆極峻，民國十七年，改名安陽縣看守所，二十二年，經監所協進委員會委員史作民等，提倡募捐，於所內建澡塘，並改良接見室，設備漸稱完善，按史君爲二十一年元四民眾運動四代表之一，被誣解省，管押開封法院看守所，事白回縣，乃決計改良監所，以作紀念云。以上因舊改建

機關

教育局 在鼓樓東街路北、清學政官廳遺址、清末設勸學所、後易今名、

河南高等法院第二分院 民國十八年、軍事底定、部令設第二分院於安陽、擇定西

華門街、文昌廟爲院址、派員勘繪、着手籌備、旋經政變、致未實現、至民國二十二年、第三區行政督察專員方策氏、駐節安陽、因豫北上訴案繁多、人民奔走、耗時失業、損失頗鉅、據情分請各憲核准、河南高等法院、於二十二年十月、派員來縣、組織建築工程委員會、招商投標、就原有房屋、依次改建、

警察所 在鼓樓西路北、卽圓通寺舊址、清末民初、爲巡警局、十七年、改公安局、二十一年、十一月、改警察所、

縣政府徵收處 在鼓樓東街路北、教育局西院、清府蕭曹廟舊址、民國初、改建設局、二十一年、建設局奉令撤銷、縣政府設徵收處於此、

名勝古蹟古物保存會 在縣東街路北、縣蕭曹廟舊址、

農會 在天寧寺、今中山公園西偏院、三思廟內、

商會 在東鐘樓巷迤北、鐵獅街、清縣丞署舊址、民國初、由官產清理處售出、今爲商會地基、

財務委員會

該會原在老縣前街財政局舊址，於民國十八年，劃歸高等分院範圍。

二十二年秋，高等分院建築工程委員會成立，實行建修，旋奉令移至渠口街。

即前鹽商總店

址遺

中山圖書館

在城之中央，鼓樓上。

按鼓樓之由來，舊志未載。據彰德府志，明洪武初，築土壘，磚爲高臺，上建重樓三間，懸有滴漏銅鼓。宏治中，知府劉聰重修。清乾隆四十四年，知縣彭元一捐俸增修。彰德府知府盧崧題匾，前曰鄴鎮，後曰洹光，向南長匾曰式是南邦。

光緒二十五年，知府善承，民國七年，知縣戴光齡，先後重修。戴並題有鄴下壯觀匾額。民國十七年，改建中山圖書館。二十年並於臺之西北隅，設銅鐘以報時，西南隅，豎整理田賦紀念碑，爲安陽剔除積弊，改辦順莊之紀念。

民眾教育館

在鼓樓北鐘樓上。

彰德府志，明宏治中，知府劉聰建。清乾隆四十四年，知縣彭元一捐俸增修。知府盧崧題匾，前曰聞天，後曰瞻極，向北長匾曰瞻天尺五，向南匾曰聲震天中。

樓上懸大鐘一，置而不用者久之。民國十七年，縣署僱人按時計擊，以報鐘點。復改懸

匾額二，一曰喚起民眾，一曰驚醒睡獅。相傳此樓，每年夏至正午，四面均無陰影，驗之果然。

民國二十一年，將大鐘撤除，就樓之四週，增建圍房，正中爲講演室，設置民眾教育館，規模雖不宏敞，而體制亦頗整潔。

科學館

在天寧寺

今中山公園

前院

以上十一處係因舊改建

平民村

在城西，平漢鐵道車站之西南。民國十七年，豫北行政長葛金章，因車站附近，時有貧民露宿，令車站公安分局局長劉學瀛，覓地建築平民村，以便收容。時鐵道西偏有空地一段，瓦礫堆積，無人耕治。劉局長呈報，由葛行政長出示，招尋地主，迄無應者，遂令勘丈員，詳確丈量，計地十八畝有奇，共建房舍一百二十間，又建有織工廠，消費合作社，中山俱樂部，平民學校，共十六間。

新建

養濟院

貴志，在縣治西，弦歌坊。

按此院，在香港路北，普濟院之東。民國七年，經官產清理處出售，知縣戴光齡，捐俸購回，重加修補。匾其門曰：養濟院。

普濟院

貴志，普濟堂，在縣治西香港，清雍正十二年，知縣李閻懋捐建，計屋三十間。

按民國七年，經官產清理處出售，知縣戴光齡捐貲購回，重加修補，匾其門曰普濟院。
苗圃 在南關西，係演武場舊址，計地一百畝。以上因舊改建

倉廩

常平倉

在後倉巷路北

貴志：常平倉，卽豫備倉，在縣治後倉巷，廩房二十五間。清嘉慶二十一年，知縣章玉森重修。

按此倉房屋，時久未修，大半倒塌，其廢料移作修建公款局之用。民國二十年，縣長韋品方重修，改名縣倉，計房三十餘間。詳見民政志倉儲門。

貴志：所載倉廩凡六，除常平倉外，有崇寧倉、東新倉、西新倉、社倉、義倉等，今皆廢。

校室

省立第十一中學校

在城內，東南營街路北，係宋韓魏公、晝錦堂遺址。

府志：晝錦書院，在府治東南。宋韓魏公故第，明宏治間，郡守馮忠重建。清乾隆五年，知府李渭奉撫檄，設立書院，卽以晝錦堂改置。額曰晝錦書院。三十六年，知府蔣希宗重修。五十二年，知府盧崧知縣陰珪復買民宅，改建大門，添造書齋四十一間，忘機堂後。